


Die Galenischen Medici schreiben denjenigen oliteten/ die wie jetzt gesagt auß den Vegetabilibus vermacht seynd/ grosse Virtutes vnd kräftige wirklichkeiten zu / davon mag derjenige / so darzu lust hat/ in ihren Schrifften so wol auch in den dispensatorijs des Apothecar lesen / das selbst wird er weitleufftig genug guten bericht finden / für dißmahls lasse ich es hierbey bewenden/ vnd schreite ferner zu andern sachen fort.



TRACTATUS

DVODECIMVS:

Von der Imperatoria oder Meisterwurzel/
so auch Ostrutium genant/ vnd ihrem
ganzen gewächse.

S haben die Alten diesem Gewächse/ mit ohne gefehr (sonderen auß grossen erforschlichkeit vnd erkantnis/ dessen natürlicher kräftiger Wirkung) seinen rechten Namen gegeben vñ es Imperatoria geheissen/ als wie sie sagen wolten allerherligst vnd gewaltigst vnd an Wirkung allermchtigst/ ja nach andern sprachen Erhalter oder Erretter der Menschen / oder Menschen erhalter geheissen / vnd wechset nunmehr (Gott sey danck darvor) in Europa vberall.

Vnd sintemahl dieses Gewächses gestalt (Gott lob) nunmehr vast jederman bekandt/ vnd in vielen Herbarijs beschrieben vnd vorgemahlet/ also ist es vnnotig allhier/ viel worte davon zu verlieren / sondern will nur fürzlich davon berichten/ was für kräftige (so viel mir deren wissende) wirkungen an solchem gewächse die erfahrung hervor gebracht hat.

Diese Meisterwurzel Imperatoria oder Ostrutium ist nach der Leser meynung heiß vnd trucken im dritten grad/ vnd damit sie in ihren Hütschen/